

مجموعہ ابوالضیا

ماسوا شاہ سندن دلی تطہیرہ چالش

پر تو حکمت و عرفان ایلا تئورہ آلس

علوم و معارفدن بحث ایدرہ و ہرماہ عربی اجناسیلہ اون بشتہ نشر اولنور فتون غزتمہ ایدرہ

نومرو ۱۵ - جلد ۲ [فی ۱۵ ربیع الآخر سنہ ۱۲۹۸] نسخہ سی ۳ فروش

ایکنجیسنه (قان چیچی) اوچنجیسنه (برنجی قان) دردنجیسنه (ایکنجی قان) و بشجیسنه (اوچنجی قان) اطلاق ایدرلر .

مرجانك خواص واستعمالی

اسکی اطبا مرجانی پك چوق استعمال ایدرلر واسهالی قاطع بردو، دیه ویرلردی . مقوی ظن ایتنه لینه سبب کندوسنك قرمری اولسی درکه بولون اچردن، دروننده پك چوق (دمیر) بولندیغنه ذاهب اولورلردی . قدماي اطبا مرجانی سفوف، حبوب، معجون، جرع و صیغ صورتلرنده (رنکین خسته له) ویرلردی .

زمانا غمرده ایسه یالکز دیش طبیلری دیشلری تطهیرده مرجانی طوز صورتده قوللانیورلر .

مرجانك ترکیباتنده (قاربونیت کلس) برازماغیریا ایله حض حدید واردلر .

تاریخ

اسلامده اتخاذ خاتم - وبعض خلفانك مهرلری :

خاتم ختم اولندجق شینه باصیلان مهر معناسنه در . پارمغه طاقیلان بوزکه خاتم اطلاق ایسه عبارۀ مهرک یوزوک اوزرینه نقش اولمش اولملقنی اعتباریله در .

شمالک بیاننه کوره کبار اصحابدن انسک (رضی عنه) روایتی اوزره علیه الصلوات افندمرك ابتدا مهر اتخاذ ایتلرینه ملك عجمه ارسال پیوره جقلری نامه سبب اولمشدر . وروایت اخرايه کوره قیصر رومه ویاخود ملك حبش اولان نجاشی به - اسلامه دعوتی متضمن - نامه

سعادت تسطیر و اسرایی اراده پیورلدیغی زمان اصحابدن برینک - نامه -
ده خاتم اولدقجه بونلر اعتماد ایتزل - دیمه سی اوزرینه خاتم تضیع و نقشی
فرمان پیورمشلردر .

ابن حجر دیرکه خاتمی اخطار ایذن ذات بر روایت کوره ابنای
عجمدن و دیگر روایت کوره قریشدن ایدی . و نامه تحریری هجرتک آلنجی
سنه سی او اخلرنده اولدیغی بخاری روایتلنددر . چونکه سنه مرقومه
ذی القعدة سنده مصالحه اولنه رق ، ذی الحجه ده مدینه عودت نبویه شرف
وقوعیه ذکر اولنان نامه لک تحریرینه اراده رسالتیناهی صادر اولمش
وسفرا ایسه هجرتک یدنجی سنه سی محرمک عشر اولنده بعث
اولمشدر .

شمائلده بیان اولندیغنه نظراً خاتم نبوی کوموشدن اولوب ، فصی
(حبشی) اطلاق ایدیلان عقیقندن ایدی . بر (عقیقک اجرینه یمانی
واسودینه حبشی اطلاق اولنور .)

فقط ابن حجر هم خلقه سی و هم ده فصی کوموشدن اولدیغنی
بیان ایدر .

حضرت انسک بیانته کوره خاتم نبونک نقشی « محمد رسول الله »
عباره جلیله سی اولوب ۳ سطر اوزرینه مرسم واسمی نبی هپسنه مقدم
ایمش . و بعضاریده « بسم الله ، محمد رسول الله » و « لا الا الله محمد
رسول الله » عبارات شریفه لی محکوک بولندیغنی روایت ایتشلردر که
بوندن خاتم نبونک بر اولمیوب ، متعدد اولدیغنه استدلال اولنور .

ابن عمر (رضی الله عنهما) دخی حضرت پیغمبرک اتخاذ پیور -
دقلری خاتمک کوموشدن اولوب ، اوزرنده « محمد رسول الله » ، عباره
شریفه سی محکوک بولندیغنی و بو مهر وداع عالم فنا ایلدکلی آنه قدر
دست یمین سعادتده بولنه رق ، بعده حضرت ابو بکره و آنلرک ارتحالنده

دخی پدری حضرت فاروقه و آنردن دخی حضرت عثمانه انتقال ایلدیکنی و بدمشارالیهده ایکن بئرار یسه دوشدیکنی بیان بیورمشلردر که اصح روایاندردر .

(اریس جلیس وزننده مسجد قبا قیرنده بر قیونک آیدر . حضرت عثمان ذکر اولنان قیونک کنارنده اوطوررکن بر شی مهرلک ابچون مهری چیقاردقلرنده قیویه دوشمشدر . و مشار الیه بئر مذکورک صوبی اوچ کون ظرفنده کاملا بوشالتدیرتمشدر ایسهده مهره ظفریاب اوله مامشلردر .)

حضرت یغمبر معقیب بن ابی فاطمة الدوسی بی خاتم نبوتلرینه امین یعنی مهردار نبوی نصب بیورمشلردر . بعده خلفای راشدیندن امام علیدن ماعداسی دخی خدمت شریفه مذکورده ابقا الیه برابر امین یت المال ایشلردر . وفاتلری خلافت عثمانک اواخرندهدر . (رضی الله عنهم) زین الدین عراقی دیمشدر که حضرت یغمبرک شکل خاتملری مربع و یا مثلث و یا خود مدورالشکل اولسندره برکونه روایت مضبوط دکلدردر . بوسبیلله ناس مراد ایلدیکنی شکلده خاتم اتخاذ ایلکده مختاردردر .

علیه الصلوة افندمن خاتمی صاغ اللریته طاقنوب، خلفاء راشدین دخی مثال نبوی به امثال ایلدیلر . فقط مؤسس دولت امویه صول الینه طاقدیغنی جهنله مروانیه دخی آکا اقتدا ایتدیلر . اول خلفای عباسیه سفاح خلیفه ساعده طاقدیغندن، عهد هرونه قدر کلان خلفا دخی صاغه طاقندیلر . لکن هرون خلاف عاده صوله طاققله آندن صکره کلانلر، وناسدن کورنلر صوله طاقغنی عادت ایدتمشلردردر .

حضرت عثمان یادکار حضرت نبوی اولان مهرک بئر مجوئه سقوطنه قدر کندیلرینه مخصوص مهر اتخاذ ایتمشدر ایدی . صکره دن ایکی مهر یابدیروب، برینک اوزرینده « اعنت بالذی خلق فسوی » و یحیی - الدین عربیک مسامرهده بیاننه کوره دیگرینه « لتصبون اولتندمن »

منقوش ایدی . کذا مسامره ده محرر اولدیغی اوزره حضرت علینک دخی
برنده « الملک لله واحد القهار » ودیگرنده « ربی الله مخلصا » و حضرت
حسنک برنده « لاله الا الله الملک الحق المبین » ودیگرنده « العزة لله عز وجل
وحده » منقوش ایکی مهرلی وار ایدی .

ملوک امویه نك تقوش خاتملری

جناب معاویه نك اوج مهری وار ایدی :

١ « لكل عمل ثواب »

٢ « لا قوة الا بالله »

٣ « ربی اغفر لی »

اوغلی یزیدك « ربنا الله »

معاویه بن یزید رضی الله عنك « الدنيا عزور »

مروان بن الحکمك « الله تقی ورجائی »

اوغلی عبدالمکک « آمنت بالله مخلصا »

اوغلی ولیدك « یا ولیدانك میت ومحاسب »

برادری سلیمانك « آمنت بالله وحده »

عمر بن عبدالعزیزك رضی الله عنك « عمر، یؤمن بالله مخلصا » (*)

یزید بن عبدالمکک « قتی السیئات یا عزیز »

قرنداشی هشامك « الحکم للحکم الحکیم » و « الحکم لله »

ولید بن یزید بن عبدالمکک « یا ولید، احذر الموت »

اوغلی یزیدك « یا یزید، قم بالحق »

قرنداشی ابراهیمك « توكلت علی الحی القيوم »

آخرامویه مروان الحمار بن محمد بن مروانك « اذکر الله یا غافل »

(*) عمر بن عبدالعزیزکه عدالت و عفت جهتله همنامی وجد والدده سی اولان عمر القساروقه مشابه و دشمن
سفاهت و اسراف ایدی . بخدر منك بیک آلتونه برنج و حرلی خاتم اشترای ایلدیکنی استماع ایلدکنله کستدینسه « آلدینک
یوزوکی ینه بیک آلتونه صالحقینی و بهاسیله فقرایی طویور ووب کستدینسه ده کوموشدن بر خاتم المقلبی امر ایدرم »
دیه بر تنبهنامه کوندرمشدر .

خلفای عباسیه نک مهرلی

اول خلفاء عباسیه سفاحک مهری: «الله ثقة عبدالله وبه يؤمن»
 برادرى منصورک «اتق الله تزد فتعلم»
 مهدى بن منصورک «حسبى الله»
 اوغلى موسى الهادينک «موسى يؤمن بالله»
 برادرى هرون الرشيدک «العظمة والقدرة لله عزوجل» و «کن من
 الله على الخذر»
 اوغلى امينک «محمد واثق بالله» و «لکل عمل ثواب»
 برادرى مأمونک «سل الله يعطیک» و «الموت حق» معتصمک
 «الله ثقة ابى اسحق بن الرشيد وبه يؤمن»
 اوغلى واثقک «الله ثقة الواثق»
 قرنداشى جعفر المتوکلک «على الحى انکالى» و «المتوکل على الله»
 اوغلى محمد المنتصرک «يؤتى الخذر من مأمنه» و «اثامن آل محمد
 الله لى ومحمد»
 احمد المستعين بن معتصمک «فى الاعتبار غناء عن الاختيار» زير
 المعتر بن متوکلک «الحمد لله رب کل شىء وخالق کل شىء»
 محمد المهتدى بن واثقک «من تعدى الحق ضاقت مذاهبه»
 احمد بن متوکلک «السعيد من وعظ بغيره»
 احمد المعتضد بن طلحة الموفق بن المتوکلک «الاضطرار يزيل
 الاختيار»
 اوغلى على المكتفينک «على بن احمد يثق بالله»
 قرنداشى جعفر المقدرک «الحمد لله الذى ليس کمثلہ شىء وهو خالق
 کل شىء»
 قرنداشى محمد القاهرک «محمد رسول الله صلى الله تعالى عليه
 وسلم»

محمد الرضی بن المقدرک « من بالرضی »
 قرنداشی ابراهیم المتقینک « المتقی لله » مستکفینک « المستکفی
 بالله یثقی »

سلطان سلیمان قانونی به باقینک مرثیه می

ای پای بند دام که قید نام و ننگ
 ناکي هوای مشغله دهر بی درنگ ؛
 آک اول کوئی که آخر اولوب، نو بهار عمر،
 برک خزانه دونسه کرک روی لاله رنگ !
 آخر مکانک اولسه کرک جرعه کبی خاک،
 دوران الندن ابرسه کرک جام عیشه سنک
 انسان اودر که آینه وش قلبی صاف اوله
 سینیه کده نه یلر آدم ایسه ک کینه پلنک ؟
 عبرت کوزنده نیجه به دک غفلت اویقوسی ؛
 یتمزی ساگه واقعه شاه شیرجنک ؛

اول شهنسوار ملک سعادت که رحشنه
 جولان دمنده عرصه عالم کلبردی تنک
 باش اکدی آب تیغکه کفار انکروس (*)
 شمشیر جورگی بسند ایلدی فرنک
 یوز بیره قوبدی لطفله کلبرک ترکی
 صندوقه صالیدی خازن دوران کهر کبی

(*) انکروس (اونگروآز) دن معروفدرکه لسان عثمانیه مجاره اطلاق اولنور .